

萬
盒
類
稿

1500

萬

全

集

卷

之

一

上

蒿盒類彙卷十八

序跋四

金壇馮煦

湘鄉相國六十壽序

集文選

蓋有非常之功必待非常之人

漢武帝詔

是以德教俟物而濟

榮名緣時而起

陸士衡演連珠

懷夫蕭曹魏邴之相辛李衛霍之

將

潘安仁西征賦

仰敷四德

王仲寶褚淵碑

平滌九區

趙景真與嵇茂齊書

俱啟丹

冊並圖青史

江文通詣建平王上書

沉乎甄陶周召孕育伊顏任彥昇為

范始興作求立太宰碑表

應期運之數

蔡伯喈陳仲弓碑

兼神武之略曹元首六代論

上則崇稽古之弘道下則闡長世之善經

何平叔景福殿賦

書契

以來兼之者公也

班孟堅兩都賦

公稟川嶽之靈暉

褚淵碑

含辰象

之秀德

沈休文齊安陸昭王碑

高氣蓋世雄節邁倫

夏侯孝若東

排

金門升玉堂

吳季重荅東阿王書

散皇明而燭幽因瓌材而究奇

兩都

賦

領袖後進

任彥昇為蕭揚州薦士表

賀生達禮之宗

王文憲集序

冠冕當

世

齊安陸昭王碑

彥輔名教之樂

為蕭揚州薦士表

欽若元輔實惟時寶

褚淵碑

有自來矣

王文憲集序

當是時也

賈誼過秦論

三精霧塞九縣

飈迴

范蔚宗後漢光武紀贊

公實仰贊弘規

褚淵碑

灑掃羣穢

楊子雲解嘲

元甲耀日朱旗蔽天

班孟堅封燕然山銘

謀無遺謂

陸士衡辨亡論

精驚八

極

陸士衡文賦

舉無失德

褚淵碑

安步三危

王簡棲頭陀寺碑

英威既振

後漢光武紀贊

執奇正而四伐

左太冲魏都賦

神略獨斷

于令升晉紀總論

安反

側於萬物

王希範與陳伯之書

弘舸連軸

陸佐公石闕銘

萬里無差

任彥昇奏彈曹

景宗

巨檻接艫

石闕銘

五道並入

陳孔璋檄吳將校部曲文

窮虎奔突狂兇

觸歷

兩都賦

雖寇鄧之高勳耿賈之鴻烈

范蔚宗後漢二十八宿論

無以

過也

應休璉與從弟君苗君胄書

至其紐金章

孔德璋北山移文

飛翠綬

西征賦

銘勲彝器

張平子東京賦

書名竹帛

楊德祖答臨淄侯牋

羽檄萬計

辨亡論

賞

懋通侯

奏彈曹景宗

拒鬯一卣

潘元茂魏王九錫文

榮高列將

秦彈曹景宗

猶

且具明廢寢吳晷忘餐

王元長三月三日曲水詩序

旁眺八維

魏王九錫文

仰察五緯

陸士衡漢高祖功臣頌

解紛挫銳

袁彥伯三國名臣序贊

是討是震

楊子雲趙充國頌

識變知微

三國名臣序贊

爰淵爰默

漢高祖功臣頌

用能敷化

一時

王元長永明九年策秀才文

寅亮二代者哉

褚淵碑

若乃明練庶務

王文憲集序

稟仰太和

解嘲

收百世之闕文

文賦

展三時之弘務

潘安

仁籍田賦

疏繇役振乏困

王子淵四子講德論

披艱掃穢

與嵇茂齊書

流春澤

之沃恩

西征賦

去煩蠲苛

四子講德論

傷秋荼之密罔

永明九年策秀才文

封畿千里

張平子西京賦

外運渾元

班孟堅典引

憲章百揆

諸葛孔明出師表

右納良逸

潘安仁閒居賦

厯紀圖典之用

楊子雲劇秦美新論

井幹烽櫓之

勤

鮑明遠無城賦

隱恤民事

晉紀總論

架卓魯于前錄

北山移文

糾逖王慝

三月三日曲水詩序

籠張趙於往圖

北山移文

然後精誠通於神明

班叔皮王

命

膏澤洽於黎庶

兩都賦

公銓品人倫

王文憲集序

坐鎮雅俗

任彥

昇勸進今上牋

念功簡勞

傅季友為宋公求加贈劉前州表

勗以丹青之價

王文憲集

序勉精勵操

韋弘嗣博奕論

弘以青冥之期

王文憲集序

懷響者畢彈

抱景者咸叩

文賦

螭虎之士

封燕然山銘

飾玉路之繁纓

曹子建七啟

燕雀之儔

王命論

樹翠羽之高蓋

東京賦

誠千載之嘉會百世

之良遇也

博奕論

若乃砥節厲行

蔡伯喈郭林宗碑

稟道毓德

顏延年皇

太子釋奠會詩

汪汪軌度

三國名臣序贊

承蒼昊之純殷

王文考魯靈光殿賦

恂恂

德心

三國名臣序贊

究先聖之壺奧

解嘲

恭儉靜一

韋孟諷諫詩

扇以廉

風褚淵碑忠果正直孔文舉薦樹之形性顏延年應詔博見

強識枚叔七發漱六藝之芳潤文賦瞻智弘材漢高祖功臣頌荅三靈之

蕃祉典引夫人坐論婦禮范蔚宗後漢書皇后紀論玉質金相劉孝標辨命論斧

藻至德琢磨令範非有先屏芬芳而不御楊子雲賦賤奇麗

而弗珍兩都賦述宣陰化後漢書皇后紀論屢降瑞福四子講懿律

嘉量劇秦美新論貽燕後昆典引棲遲道義之域博奕論優游典籍

之場吳季重荅魏太子牋詠世德之駿烈文賦稟元氣之靈和郭景純江賦

淑質貞亮薦禰衡表瞰四裔而抗稜兩都賦英聲發越馬季良長笛賦案

六經而校德兩都賦絃冕所興兩都賦古今一揆吳季重在元城孟

冬十月司馬長卿封禪文壽觴舉閒居賦鳴琴薦謝希逸上暢九垓

封禪下視百福顏延年三月三日曲水詩序是以祥光總至在彥昇宣德皇后令

靈貺自甄

後漢光武紀贊

朱草萌芽

三月三日曲水詩序

金彪在席

非有先

送迎拜乎三壽

東京賦

儀刑乎于萬國

籍田賦

于時纓綏之徒

郭林宗碑

搢紳之倫

張平子南都賦

歌投頌吹合雅

長楊賦

莫不浸仁沐

義王詣建平

抱寶懷珍

陳仲弓碑

況在下官

詣建平王上書

居止接近子

期思舊賦

觀海齊量登嶽均厚

褚淵碑

望聽玉音

四子講德論

未測涯

侯謝元暉拜中軍

散遵所聞未克殫焉

四子講德論

遂作頌曰

文封禪

大儀幹運

張茂先勵志詩

名世是生

陳仲弓碑

九服知化

桓元子薦譙元

彥三光宣精

兩都賦

寢以凌遲

六代論

並蹈潛穢

兩都賦

謀解時

紛功濟宇內

三國名臣序贊

高牙乃建

關中詩

江湘來同

晉紀總論

遠略

辨亡論

在變則通

漢高祖功臣頌

大雅弘達

兩都賦

英才卓犖

衡表

秉國之均

魏王九錫文

戔戔崇嶽

陳仲弓碑

包含宏大

漢高祖功臣頌

士作程

陳仲弓碑

撓之不濁澄之不清

褚淵碑

渾元運物

班孟堅幽通賦

銓時論道

漢高祖功臣頌

振纓承華

應吉甫晉武帝華林園集詩

永錫難老

景福

賦殿

曾威毅壽序

代

天篤

聖清光宅九有景運既隆百泰而一否粵西鳴張震盪南
宇凡墮名城夷劇邑數十百計而以江甯爲窟宅竊踞者
越一星終銳師宿將百苦以爭之卒不得下沅浦尙書毅
然起湘中義旂所指無堅不摧無銳不挫一刈鄂渚再剷
皖臺星馳電流不數月而薄江甯甲子六月旣望克之數
百年未有之寇一旦禽獮而草薶中興之烈實是權輿江
南之民祠公城北偏奔湊羅拜曰公福我公福我而公功
成身退曾不屑爲斯民留其後民有所疾苦或政之興革
少不厭其望則又奔湊羅拜公祠下而祝之曰公庶來福

我公庶來福我如是者二十年不能忘公果復來督兩江
向之祝公者士謳于室農歌于野商旅忭舞于衢市莫不
曰公信來福我公信來福我其奔湊羅拜如水之就下嬰
之得慈母久客之歸其鄉也公亦以再造東南出斯民塗
炭而衽席之相慰勞若親子弟益求所以休養而生息之
者以是盟諸已以是率諸屬蓋亦未嘗一日忘民也夫以
公之卷卷於民與民之卷卷于公旣前史所罕覩而不知
公之于江南其昔之得之今之治之誠有忍人所不能忍
爲人所不能爲者方公之薄江甯也盛夏鬱蒸人不得蘇
息積寇數十百萬蟠伏于內城困而鬪其銳百倍我軍僅
數萬列營四周病于兵者十二三病于暑者十四五公日

夕督之攻城內槍礮如雨射士卒洞胷貫腋交踣于前公屹然不少動而督之攻彌厲使後十日不下則我氣衰而彼援至將有不可問者此忍人所不能忍也及公來督兩江銳于爲治屏浮末敦本實病民者革之不俟終日勤民者庸之不奪羣議日治官文書手批口授十吏嘗不給而公裕如也未逾月而有法蘭西之役公持節之滬上鯨吸鯢潛之性譁張恫喝朝異而夕不同操縱緩急可否之數至變且蹟公一以靜持之彼逡巡而不能逞閩臺不靖羽書電至籌饗若兵壹以江南爲樞紐公承彫勅之餘度支竭徵調且四出雖有賁育之勇輸墨之巧管葛之策略幾無可措手而公聲色不驚淵默而雷聲幹旋補苴于無

形措江南磐石之安此爲人所不能爲也公始至江甯年甫越四十文正公總戎旃同時若左湘陰李合肥彭衡山竝九牧之望而公與文正實爲二難今督兩江後文正且一紀公年六十有一矣其神明彊固器識閎達猶之昔也秋八月二十日爲公覽揆之辰時艱方棘鍵閣謝賀者而江南人士德公者深謀一言爲壽埒于輿人之誦某同官吳中爰舉公之有造于江南者以荅人士之誠以質于公若夫學足貫天人文足緯世宙純至之行蔚爲儒宗出而建牙自楚而晉而大河以東而粵東西入典秩宗政術之美夷險一致竝載在史歲傳之海內學士大夫之口又何俟某一辭之贊邪

左恪靖侯七十壽序

代

同治初元某旨一令次越中淹寄戎幕今兩江使相左侯
季高撫浙之一年拔某於百僚底曰杭州知府請於朝
不次之擢特旨俞之既又使兼糧儲使者布政按察兩
司並治兵於外則又使某攝之皆大慙甫夷民物凋劫萬
目睽睽待侯之噓之植之侯無鉅細艱易一委之某每一
參謁語嘗移晷刻左右部曲侍者既倦而侯不聽去侯有
所建白則手札召某或甫退而又召曰曰二三焉某一得
之愚凡興與革嘗虛已聽之朝上一事不日中而下所司
後益使某旣興且革而始關白焉某性剛不敢爲曲阿中
所未安侃侃與侯爭侯聲愈張某爭愈力必得當而後已

而侯不曰爲忤身兼四官獨斷獨行不稽之同列不參之羣議忌者屢有齟齬而侯不曰爲專侯旣至聞無復有知某如侯者廼投組去然後知侯之虛中好善知人則堅其信用人則盡其才爲三代下所難而某亦竭其細流土壤補海岱萬一誠不敢傷侯知人之明也侯鼓行而西某不獲奉鞭弭每西使至聞侯戰必勝攻必克恢三萬里版圖而郡縣之魑結窮髮之民戴之如父兄師保西向鼓舞謂此威德所自致不足爲侯重意必有忠誠純寔之士贊畫帷幄萬萬於某當日者故相得益彰如此惜不得其人而見之也西臺平侯入相 今天子未一歲復出督兩江建牙於江甯某主尊經講席之十四年而別侯十八年矣典

謁江上歡然若舊識車騎之過山中者月恒數四某雖謝絕當世事然有大利病亦不敢匿而不獻侯虛已聽之如在杭州皆然後益知侯之虛中好善亘百歲猶一日而又自疚散樗之材不復能爲侯用如當日者也或者曰侯有泰山巖巖氣象毅然不可干然單門下士一節之善一言之合獎借嘗不去口甚則折節下之與之雅故者恩施尤周且摯豈以威重陵轢一代之者哉或者又曰侯有海涵地負之才盧牟萬有羣策羣力無所段借然不才如某其去侯霄淵亦未嘗不收目爲用吏治臧否民生疾苦與人材之良窳巧朴吝之惟恐不及又豈負其才地而不集眾思廣忠益者哉之二者皆未足爲知侯也今年冬十月七日